

BASES DO CAMPUS-TEA NADAL 2018

Artigo 1.- CONCEPTO.

O Campus-Tea nadal é unha oferta formativa, que tendo como fin principal a conciliación familiar coa laboral, fomenta a atención á infancia e xuventude, a xestión social do noso patrimonio e medioambiente e a dinamización cultural. Cunha programación que combina o xogo con actividades creativas, culturais e de coñecemento do entorno próximo, dende unha pedagogía do lecer baseada na educación en igualdade e hábitos saudables.

Artigo 2.- DESTINATARIOS.

- Campus-Tea nadal está dirixido aos nenos e nenas das etapas de Educación Infantil e Educación Primaria.

Artigo 3.- LUGAR, DATAS, PRAZAS E CUSTE DO CAMPUS-TEA NADAL 2018.

O Campus-Tea nadal 2018 terá lugar nas Instalacións do CEIP “Fermín Bouza Brey” de Ponteareas, sito na rúa Fermín Bouza Brey nº 13 de Ponteareas.

QUENDAS:

Os días laborais comprendidos entre o 24 de decembro de 2018 e o 7 de xaneiro de 2019, ámbolos dous incluídos en horario de 9:00 a 14:00 horas, debéndose aboar o prezo publico correspondente pola cantidade de 25 € cada neno ou nena

Porase a disposición dos usuarios que o soliciten un servizo de aula matinal dende as 7:30 horas ata as 9:00 horas, debéndose aboar o prezo publico correspondente a dito servizo pola cantidade de 10 € cada neno ou nena

Deberá ter un número mínimo de 25 alumnos para realizarse. O número máximo de prazas será de 100. Reservadas dúas destas prazas para alumnado NEAE

Artigo 4.- PRESCRICIÓN.

O prazo de Prescrición será do **21 de novembro ao 3 de decembro de 2018.**

As bases e o impreso, de Prescrición do Campus-Tea poderán obterse de luns a venres en horario de 9 a 14 h. na Oficina de Ensino, no andar baixo ou no Rexistro Xeral do Concello de Ponteareas ou ben directamente na páxina WEB do Concello.

DOCUMENTACIÓN.

- Impreso de prescrición debidamente cumprimentado.

- Certificado de empadramento para os que non estean censados no Concello de Ponteareas (Aos empadroados en Ponteareas, faráselle a comprobación de oficio),

LUGAR DE PRESENTACIÓN.- Rexistro xeral do Concello de Ponteareas, en horario de 9 a 14 h.

Artigo 5.- PUBLICACIÓN DA LISTAXE PROVISIONAL DE ADMITIDOS.

A efectos de información e posibles reclamacións publicarase a listaxe provisional de admitido/as nos taboleiros do Concello e na WEB o 5 de decembro.

Artigo 6.- PUBLICACIÓN DA LISTAXE DEFINITIVA DE ADMITIDOS.

Publicarase a listaxe definitiva o día 11 de decembro nos taboleiros do Concello e na páxina WEB.

Artigo 7.- ADXUDICACIÓN DE PRAZAS.

No caso de que a demanda non supere o número de prazas dispoñibles en cada quenda, estarán admitidas todas as solicitudes.

Se houbera un número maior de solicitudes para cada quenda, iranse cubrindo as prazas por estrita orde de presentación no rexistro do Concello de Ponteareas.

Unha vez recibida a comunicación e aceptada a praza ofertada, deberase presentar a documentación requirida nun prazo máximo de 48 horas, de non facelo así, a praza será ofertada ao seguinte da listaxe de agarda.

Artigo 8.- DOCUMENTACIÓN.

Unha vez comprobada a lista definitiva, as persoas que se figuren como admitidos, deberán entregar na Oficina de Ensino no andar baixo do Concello de Ponteareas, a seguinte documentación:

- Copia da Tarxeta Sanitaria.
- Foto tamaño carné.
- Impreso de abono do Prezo Público correspondente á quenda ou quendas adxudicadas.
- Este trámite será xestionado polo Departamento de Rendas.
- DNI do pai, nai ou titor legal do usuario/a.

Artigo 9.- RENUNCIA Á PRAZA E DEVOLUCIÓN DA COTA.

No caso de que, por algún motivo xustificando, houbese que renunciar á praza, comunicáraselle por escrito á Concellería de Ensino.

Se unha vez obtida a praza e aboado o prezo correspondente, o/a interesado/a non puidese asistir á actividade por causa de forza

maior, só terá dereito á devolución da cota no caso de que comunique e xustifique a renuncia por escrito e solicite a devolución da cantidade aboada antes do inicio da actividade.

Artigo 10.- A inscrición nestas actividades supón o compromiso de aceptación destas normas.

M. Cristina Fdez. Davila.

Concelleira de Ensino,